

長子縣志

全

丑
2070

序

今之郡縣古之封建也古者列國有史而後世郡縣則有志皆所以鏡往詔來審時會之遷流稽政治之得失也而余以為志尤急於史夫諸侯之建國也其君臣上下繼繼繩繩以世守其祿秩生於其地則土宜習傳諸其祖若父則時勢諳雖微史可以出而圖吾政也而後之為政者不然東西南朔之人驟至其地而長其民人且或不暖席而去其間張弛寬猛之故非諳其土俗人情古若今滄桑之



所以異曷以酌盈劑虛俾不鎡於所
往哉是所藉以朝考而夕稽者志其
嚆矢已且即以長子言之澠郡在明
代為藩藩封國自永樂初簡王就封
洎於崇禎末造三百年來天潢繁衍
其麗不億王以下郡王將軍中尉封

序

爵有差於時澠郡七屬正供盡以充
藩府祿俸而不足又益之以他省之
輸將夫以其地之所產即糜於其地
而且歲有金錢鉅萬輦來於潞商賈
輻輳食貨充物一時號為豐裕之邦
長子密邇郡城推屬縣第一其流風

之漸被可知也迨我

定鼎撤藩府裁冗員底慎財賦百度
維新潞屬歲輸兩稅十數萬於省藩
於是乎有限之物力有往而無來有
出而無入昔之所稱豐裕者今求其
什之三四而不逮矣長子夙以饒沃

序

三

名而今實地瘠而民貧催科撫字之
間詎可以膠柱鼓瑟耶余奉命莅茲
土取縣志讀之不覺俯仰今昔有感
於作令之難也志修於康熙二十七
年屈指於今又一十八載邑之紳士
恐比歲以來典章文物漸至湮沒而

無考也僉以纂修之役環庭來請余
惟邑乘之修近則有徵而續而增之
也易遠則無徵而摻而輯之也難故
雖自揣弁鄙不文而重違諸君子之
請也爰授簡於族弟翔念而屬以筆
削之任凡一十八載之所當增者悉
序

四

按款增之而舊所紀者未嘗輕有去
取也第其間調言長語累牘連篇而
無當體要者概從刪汰以清觀聽前
人有言曰本之太史以著其潔庶幾
竊取之矣願以紕於剗之無資尚
多裁削未盡者姑存其舊故於各卷

首重修編纂姓氏皆仍原本而祇以
增修刪訂附其後塵蓋不敢沒前人
按輯之功而自以為名也書成例得
序其緣起以冠於簡端云

皆

康熙四十四年歲在乙酉秋七月知

序

五

長子縣事毘陵徐颺廷撰

修志舊序

志古史流于晉蓋昔之乘云夫乘取田賦習尚霸也
乃稱諸列國衰然與魯史並後世數因之如邑乘家
乘云者是文獻固在晉也長子爲晉巖邑不絕書于
史氏柰之何一染專車再汗潞氏腥風播煽神理爲
鞠故自叔季而下朴陋相仍寥寥罕聞于世我國朝
聖神撫運文治漸熙而宰是土者不乘勢作新第委
之風氣云爾卒使神明故墟而聲名文物之盛不得
長子縣志

卷之一

舊序

與各地埒在昔悲杞宋者至是可流涕長太息矣不
佞自丙戌成進士叨一命爲是邑長急取邑典章檢
覈之率散逸闕畧百不一存間有所採遮亦瀆亂不
經而乘史之義蕩然比躡境問政吏溺其職民失其
次上下相蒙幾至無法以故知杞宋之不足者匪徒
文與獻也不佞則陞奸釐弊葺琴苴罅窮日夜之力
三載始見眉睫茲當報政之期卽不蒙顯斥無幾亦
當代去恐涉水無跡而後復罔所據也乃不揣謏陋

手錄所素嘗釐正者爲志義祖史乘故于賦役特詳而取具于旬月之內不暇藻繪爲工然覈而不浮簡而義該庶幾乎晉史之遺一展閱卽犁然辨已嗟夫吏以事成事以治定治以文考終始之道也載觀周禮職方氏爲粉飾太平之具考其時固成于治定之後而釀太和于兩間抑又因之是役也其所關治忽不細而僭竊非所忌矣

按序中一染專車以長子爲長狄誤也詳見疆域志

賜進士出身勅授階文林郎山西潞安府長子縣知

長子縣志

卷之一

舊序

二

縣豫州何出圖撰

長子周史辛甲封地三晉時隸趙趙踞邯鄲跨羊腸奄有夏屋勾注以南名都不乏而長子獨以城厚完雄於天下意其時聲教文物必有可觀惟是無圖書載籍可考遂令千百世後區區以一城得名識者惜之迄今求所爲厚完城巋然若丘垤者無幾然則滄海桑田抑又何常之有而文獻槩可知已先正云辨方繫世章往詔來莫大乎志蓋所爲明典章而基政

化於是乎在誠重之也明興文風蔚起搯觚者遍海
內人抽金匱家探龍門卽嚙嚙下邑各有寶錄纂盛
矣長子故亦有志不知作者爲誰草創之始膚立皮
相無足言者其後雖歷承譌恬不爲怪萬曆庚寅豫
州何君出圖始爲刈其紕繆加以潤色稱完書焉于
今僅十餘載時事法度又復一變披閱之次不無枘
鑿會當事者下令諸郡邑詢志事余乃不辭凡陋取
何公之遺訂之邑士大夫若張君問明楊君采焉君
長子縣志

卷之一

舊序

三

元亨阮君健馬君信及父老聞儒輩攜圖史蒐隱淪
揆例正詞酌時覈事源流統會疑似不遺幾期年而
編摩成帙然余尤有說焉志之難言也非文也文焉
而已縱顯微正變動合格局總不出博士家語何益
於治故善言志者當求諸文以外披輿圖矣試思陵
谷所以變遷將爲繭絲乎爲保障乎覈版籍矣試思
租庸所由伸縮將爲催科乎爲撫字乎戎祀大事誰
養威順之原官師非虛誰造士民之命節義明則風

俗振述作備則漁獵精人物懸而法戒昭災氛紀
修省具卽古証今因詞勵志奮然興起或以學術鳴
或以事業顯使千百世後嘖嘖稱長子爲有人而不
徒區區以城厚完名也則志所激發其益不小若曰
竊取是非之權而自附作者僭也則余豈敢

萬曆戊申冬十月吉

賜進士出身勅授階文林郎山西潞安府長子縣知

縣關中崔爾進撰

長子縣志

卷之一

舊序

四

志與史異名而同功史所載者朝廷紀綱法度理亂
興替忠貞僉壬之蹟而於一郡一邑之事千百無一
焉無一則郡邑之山川風物錢穀繇役循良薦紳孝
子烈婦之實文獻不足祀宋無徵千百世之下烏從
而知千百世以上之所爲乎此留心方輿者志之所
由作也長子星分參井地控河朔固所稱巖邑哉前
明萬曆戊申間有關中崔公爾進者爲之宰舉河山
軍國宿儒民社之大故備取而志之陶唐氏之遺風

亦既展卷瞭然矣

何

不佞於順治十有六禩奉

簡

命來尹是邦况其風淳俗樸士愿女侗公餘之暇與諸父老文人輩登臨境勝談及今昔盛衰安危之變曠然有異世之感焉曰戊申迄今五十年餘矣

大清御極百度維新殷社旣墟周鼎已遷山澤風景無異城郭人民半非數十年之逸事不一爲之紀載胡以紹往牒而式來茲與爰集諸大雅秉簡採觚芟繁補闕彙往蹟而輯爲一編付之剞劂以垂永久將長子縣志

卷之一

舊序

五

使采風者披閱之下見高峯聳峙清流滌澗帶礪擁晉國之名勝矣且錢穀繇役循良薦紳孝子烈婦之實一一具悉知某也召杜奏最某也潘魯著績某也青雲隨步某也紅雪飄香某也鶴兔馴側某也松筠矢操於以廣教化美風俗其於朝廷之所不及詳者未必無小補云則一耑之志卽以當百世之史可也是爲敘

順治十七年庚子孟夏

以同進士出身支林鄭知長子縣事都門王氣梅題

長子縣志

卷之一 舊序

六

康熙二十七年修志原序

今

上御極之十一年允輔臣請纂修通志檄下郡邑各編輯上之以備史館採擇是志與

國史相表裏所關甚鉅也然省徵之郡郡徵之邑彙集而統編其得與史氏之選者省志耳不則亦郡志耳潞郡志出故太守周秀源祭酒李繪先兩先生之筆綜八邑之風土人物而備載之足供史裁無疑也

長子縣志

卷之一 舊序

七

新刻

其他州邑遺文汗牛充棟安能一一入董狐之目煩天祿石渠之校閱哉故其時長子得以舊志應命于今又幾二十年矣邑古堯封地民淳物樸嚮有陶唐氏遺風英彥蔚興聿稱文獻之邦獨是世故升沉人事消長戶口有耗息田賦有損益人物有崛起風俗有變遷歷年既久不一彙編子孫不諳高魯之字諱部民不識長吏之姓名相沿以至文獻無徵雖聖人復興不能強杞宋之君而議忠敬質文之禮矣奚可

哉雖然抑聞之述作之難莫先于志是志固不可以
不修而尤不可以妄修不修則缺而已缺猶將有起
而繼之者妄修則誣誣則是非混淆真偽錯雜雖有
繼者亦將無以善其後矣故與其妄也寧缺而修者
慎焉按邑志一修于萬曆庚寅再修于戊申後修于
本朝順治之己亥前二志一宗古史遺意筆法無少
寬假其所增皆據實直書可傳可信惟最後一書不
免真贋莫分鋪張失實聞諸故老云

長子縣志

卷之一

舊序

八

新刻

鼎革之後繼以兵火當事者懼典籍淪亾急欲纂輯
意固甚善惟是蕪穢方告賦額不清今日役役于簿
書出納中不暇細校以編次採輯之權聽之於邑人
士邑人士惟恐獲罪于鄉黨戚里誰敢搽史魚之筆
以速謗而叢怨者而亦復老成凋謝徒以尋行數墨
之學呶呶咕嗶之才求其諳典故精義例也不憂戛
乎難哉故其書之不足傳信率時勢流風使然未可
歸罪于總裁執筆之人也余翻閱有日時屢重修之

志顧念志同乎史大書直書將以齊耳目昭勸懲彰
往憲來以爲龜鑑是非史才不足當此余西鄙豎儒
識類管窺安敢輕舉以滋人嘲笑因之猶豫未決者
久之歲戊辰三月閩邑薦紳先生暨諸生數輩堅請
重修余固辭不獲因爲允諾幸有學博霍君字震生
者雲中馬邑人也其尊人蒼壁先生以名進士視草
鄉坡家學淵源得之有本而且賦性剛直不以好惡
阿人余夙知者因屬之執筆主稿復延寅寮少尹膠
長子縣志

卷之一 舊序

九

新刻

海張君暨鄉先生與諸庠友之有鴻才卓識者其八
人相與校讎而余乃裁奪可否總其大綱卜吉鳩工
開館于學署暮春始厥事而仲秋告竣是志也紀載
一本何崔兩志潤以經史而規模式廓云卷分六而
綱隨之日則五十有七秩然序矣其有關於人心天
理名教綱常者義不得不恭詳恭慎不藉風閉虛影
而妄加褒美不緣子弟請託而濫載傳文廣蒐舊乘
博採輿論一去一留一句一字總以矢天日質鬼神

之心據實大書求爲信史以垂奕禩此則余與學博
霍君纂修之本志也他尚何憚哉

文林郎知長子縣事涅中金甌郭守邦謹序

歲戊辰蠶月邑侯關西公特允諸紳士父老之請纂
修邑志屬余小子從事鉛槧余敬謝不敏公不許余
日噫嘻難哉邑之有志猶國之有史家之有譜也良
史若司馬遷君子猶謂其紀帝王世緒以堯而下傳
四世之孫舜以舜而上傳四世之祖禹雖善譜若歐
長子縣志

卷之一 舊序

十

新刻

陽子君子猶謂其圖廬陵世譜自恂至琮餘二百年
而爲四世自琮至觀僅百年而爲十六世秉筆之難
也如是况乎史善惡互載是非如別赤白志獨褒善
揚芳人咸思附以不朽則難于核寔史藏秘府分類
編集皆出史官重以元老裁定進之

御覽罔敢持短長志則郡邑人士得觀得聞橫議易
叢而容以賈謗此時此地欲不爲道旁之築盈庭之
訟噫嘻難哉公曰凡此余嘗籌之熟矣舊所舛謬今

已條分標識子但按圖改正其他寧詳勿畧寧嚴勿寬余爲父母子爲師長顧安得過從流俗人見以疑畏悞公噫公虚心下委是必以余爲可教矣余不獲辭鍵戶殫思竭慮研求先取郡邑新舊乘一一考證之郡乘出粟晉川周秀源李繪先三先生之手筆義正詞嚴一毫不肯假借披閱之次正氣猶凜凜溢楮墨間何獨至于邑乘而不然且傳之一世再世而乃大相徑庭也噫是非之心人皆有之古來官掖之事長子縣志

卷之一 舊序

十一

新刻

備極奧密而燭影斧聲終不能不予天下萬世以猜議之端明靖難後革建文年號忠臣義士罹古今未有之慘誰敢爭之而吾學編三不忠傳終不能鉗後來爲人臣子之口何歎余小子才疎學淺實不足當史氏之一轡然幸爲清白吏子孫祖若考世受

國恩于今覲顏師席亦與有教化之責兼之關西公七載冰蘖諸父老子弟誰不銘心鏤骨也者而顧敢于此模稜塞責總不自愛其鼎謂關西公何故夫是